

شرائط انتشار

ولایته و در ساداته محل
اقامت لریه کوند رملک اوزره
سنه لکی ۷۰ الی ایللی ۴۰
غروشه در اداره خانه دن
القی اوزره سنه لکی ۵۰
الی ایللی ۳۰ غروشه در.
آیونه لر سنه ابتدا سندن
یعنی الی اوچینی نومردون
اعتبار ابرسنه لک و یا خود الی
آیاتی اوله رق قد اولور.

سنة ۱۳۰۷
سر

محل اداره سی

باب عالی جوازنده ابو -
السعود جاده سنده محمود بك
مطبعه سیدر.
امور اداره و تحریره به متعلق
خصوصات ایچون محدرضا
افتدی نامه مراجعت
اولمیدر درج اولمیان
اوراق اعاده اولغاز .
اداره خانه جعه دن ماعدا
هر کون آجقدر .

مقالات علمیه و فنییه و اسطانتاری ، کلزار ادبیاتک تجلیله آتار بر

Directeur Mehmed Riza

مربی : محمد رضا

نومرو ۸۹

سر محرری : توفیق

نسخه سی ۵۰ پاره یه در



مرصع افتخار نشان عالیسیله تلطیف بیوریلان دولتو طرخان باشا حضرتلری

غزیه مزك تكرار اتشاره باشلامسى
اوزرينه رفق محترمز (ارتقا) طرفدن
وقوعه كلان تبريكانه كمال منويته بيسان
تشكرات ايلرز .

سودای غرام

محرری : رضا هبیری

۱

قر ، او فانوس زیبای لیل ، صحابه -
رملری یاره رق آسمان فیروزه فامدن عرض
چهره نورانی ایتمک خطوه انداز شتاب
اولیوردی . . کویا بوش بیلدی سعاد
افران ، ایکی مجتهد مجسم وفاتک کنسار
جو بسیارده — بر ادای صفا پرورانه ایل
زمزمه پرداز اولان عنعلیلیمان خوش
الحانک اصوات طربقزلریله سر بهالین
سعادت اوله رق — فاته ساعات مسعودیتلرینه
حصر ایدلشدی . .

او موقع بدایعمنون ، او جو بیار صفا
فزونه عمیق بر سکون مستولی اولیور ،
آره صبره بو سکوتی ، قوشلرک
ترنمات سرور انکیزی — خفیف خفیف
وزان اولان نسیم معطرک تاثیرله —
اشجار خوشبونک حاصل ایتدکری صدای
فرح آمیزی اخلاص ایدیوردی .

سودا پرور معصوملر ، انظار مشتاقانه
بوسه شیرین ، ابدیت محبت حقتده عاشقانه
سوزلر تعاطیسیله مشغول اولیورلر ، قلوب
نرمیلرینی نائزده عشق ایله مشغول ایدیورلردی .
بیچاره لر بیلمیورلردی ، که او علت
مدهشهنک ساقه سیله وادی نسیانی ، عدم
آباد هیجا هیجی کرزکاه عدایده جکلر !
زوالیله بیلمیورلردی ، که او بلای مبرم
فوتله ختام پذیر اوله لقی ،

حیف ، سهر بی امان ، شوایکی غنچه بی ده
انکشاف ایتمدن . بویکی بی بختی ده نخل

شبا بدین کلچین اوله دن حجره موحشه
طوغری سوروکلور !!!

منبع غم و کدورتده هیج برکیمسینی
خندان براقایان سهر غدار ، بویکی سودا
زده دن نه ایستیوردی ؟ بیچاره لری بر بارچه
مسعود براقسه نه اولور ؟ خایر ، خایر !

شو نونهالانی ده دشمن شبابت اولان
ورمک بخت طالمانه سنه تسلیم اتمک ایستیوردی .
بوساعتمه انواع لذات سرور ایله مالی

اولان ایکی مجتهد مبهوتک محفظه اسرار
مجتلری بر دقیقه صوکره تأثرات هجران
لانشای ایله ناله زار اولیه جقمیدی ؟!

اوت ، مسروریتلری ایتمکله خادم ظن
ایتدکری شوآن صفا انکیز — هادم لذات
طرفندن — کندیلرینی تخریسه مأمور
ایدلشدی !

مصاحبات سوداویلری اثناسنده بوی
لطیفیله مشام جانی تعطیل ایدن سرویلر
آره سندن ایکی جسم سیاهک کندولرینه
تقریبی مشاهده ایتدیلر . او آنده حسیات
عاشقانه ایله لبریز بولان قلبلری شدتلی
شدتلی ضربان ایتمک ، اعضای بدنیله لری
برقوت معنویه تک انجذابیه لرزه ناک اولغه
باشلادی . . .

بدبخت کنجکلر جاذبه شمسیه هدف
اولان سیارات کی حرکتی شاشیرمشلر
ویکدیگرینه انظار مجنونانه عطف ایده رک :

— یاری بونلر کیم ؟!

گلهرینی بلا اختیار قوه باشلامشلردی .
ایشته فلک آناره برقع تاریک جفانی ،
ناکملق پرده تباه اذانی کشاد ایلور ،
افتاده لرک بتون هنکامه آمانی تاراجیه
چالیشیوردی .

*

*

*

اطرافنده بر صمت و سکون حکمران
اولور ، یالنکز موجّه جو بیبارک حصوله
کتیردیک نوای غریبی ایشیدیلوردی ، که :
مرحمتنر ! عشقک دل ناشادمنده بر

جای محض اشغال ایتمک سودای معصوم
مانه می سوء استعمال ایله آغوشکی بواژدره
ملجأ اتخاذ ایتدک دگی ؟

آه ، اک صوکره جنسایت فعل قبیحی
اجراده مضطر قائم دلخراش سوزلری
انداخت ایدیلان روولورک نوای غریبی
تعقیب ایتدی .

برمدت صوکره « آه ! » ندای حیرت
انکیزینی متعاقب کنج عاشق خاک سینه کاه
دوشدی .

مجرملر ، قیزی سوروکلیرک مشجره لر
آره سنده کی بر آرایه ارکاب ایتدیلر ،
ایکی اوج دقیقه صوکره تکرلک وقامچی
صدالری سامه لری تخریش ایدیوردی .

— ۲ —

کنج « عصمت » ، پاکنژاد سوکلی
« عفت » نک عدم موجودیتی ، جریحه سنک
اضطرابات مدهشهنسی حسبیله بر مدت
بیوش اوله رق قالمشدی . . .

حیات بشردن بر ساعت دها تناقص
ایدیوردی ، که « عصمت » خون آلود
اولدینی حالد حال مستیدن بی دار اولدی .
مندبانی چبقاردی ، تترک لریله یاره سنی
صاره رق حسب حاله باشلادی :

حقیقه جانی تعطیل ایدن کل ، عجیبا
هانکی خونریزک دست ظلمنده مددخوان
اولور ، عجیبا او وجود سیمین نه کی
اشکنجه لرله تضییق اولنیور ؟

کلشن حیاتمنده نوحه ساز اولان بابل ،
عجبا کیمک مظالم بیغایه سیله یزار اولیور ،
اوسماوی کوزلردن عجبا نقدر اشک تأثر
دموع تحسر ریزان اولیور ؟!

رواح طیبیه سیله روحی ، سموات
سرورک اک عالی طبقه سنه صعود ایتدیرن
کاکل زرنی شمعدی هانکی رحمنز الله
قوپویور ؟

مابعدی وار